



BERG NUUS

DIE BERGKLUB VAN SUID-AFRIKA
AFDELING TYGERBERG
TYGERBERG SECTION

POSBUS / PO Box 4572
7536 TYGERBERG

Oktober 2012

Berg-Informasie

Die Vriende van Tygerberg hou op 'n gereelde basis interessante praatjies by die Kristo Pienaar Sentrum. Enige een is welkom om op 'n Woensdag- of Saterdagoggend saam te stap. Staptogte begin 07:00 soggens en die bymekaarkomplek is die Welgemoed ingang by Tygerberg Natuurreservaat. Indien enige een meer inligting wil hê, kan hul die webtuiste besoek by: www.tygerberghills.co.za of hul skakel by: 021-9135695. Ledegeld is R60 per jaar of 'n familieplan kos R100 per jaar.

Kromrivier hut is ongelukkig vol bespreek vir elke naweek, vanaf 19 Oktober tot einde Januarie 2013.

Indien lede op "Cape Nature" gronde wil oornag, is dit belangrik dat die aangehegte vorm asseblief ingevul moet word.

BERGSTORIES

Sewefontein Maskamberg 9-12 Augustus

Donderdagoggend het die twee Benkensteins en Estelle Zietsman, Lionel en Corné Higgs en hul twee dogtertjies (ons gaste) en ek en Gerrit op 'n baie aangename naweek vertrek. Ons het mekaar by die Wimpy op Klawer ontmoet, natuurlik om iets te eet en drink ook, voor ons die berg uitgeroep het na die plaas van Dave Schibusch.

Ons het ons in die twee huisies wat ons bespreek het, ingeburger en die middag sommer net so 'n bietjie daar rond gestap en die nabye omgewing verken. Dave het gesê dat hy ons die volgende oggend so 08:30 saam met die lede van Bellville Voetslaanklub, wat ook daar gekamp het, op 'n begeleide staptog sal neem. Die aand is daar natuurlik heerlik gebrui en gekuier en Estelle het vir ons die heerlikste pampoenkoekies gemaak.



Vrydagoggend is ons in lieflike sonskyn daar weg. Dave het ons op 'n roete met al die mooi en interessante plekke gelei. Ons is deur pragtige skeure met die grootste Breërivier geelhoutbome wat daar groei tot by die rant van die berg met 'n ongelooflike uitsig oor die gebied rondom tot by die Knersvlakte. Oral langs die pad het ons baie interessante plantjies en mooi blomme teëgekom. Dave het ook vir ons vertel van hul organiese rooibosteeboerdery wat hy en sy vrou alleen behartig – dié tee moet geproe word; dit smaak beslis lekkerder as Freshpak of 11 o'clock. Hier en daar moes ons 'n bietjie buk om deur die skeure te

kom en ook 'n bietjie klouter, maar dit was beslis die moeite werd. Dave het ook vir ons van die plantjies se name geleer. Die natuurskoon hier is onbeskryflik mooi en dit is dus geen wonder dat Dave 22 jaar gelede die ou Wes-Transvaal verlaat het om hier te kom woon nie.



Vrydagaand het ons heerlike potjiekos gemaak en Estelle het ons weer bederf met 'n potbrood ook. Daardie nag het die wind begin waai en het dit sommer erg begin reën. Die reën het net aangehou en ons was baie bly dat ons in die huisies was en nie onder die oorhang en lapa gekamp het nie. Dave het kom hoor of ons reg is en hy, Gerrit en Lionel is toe op na die kampeerders wat toe maar besluit het om op te pak. Lionel het met sy Prado tot by die kampplek gery en gehelp om die mense by hul voertuie te kry wat oorkant die rivier was. Die res van die dag het ons kaggelvuur gemaak en heerlijk ontspan deur te lees, speletjies te speel, 'n middagslapie in te pas en lekker te gesels. Die aand het Gerrit vir ons "steak" gebraai in die Jetmaster met sy staanbraaimetode. Ten spyte daarvan dat sommiges maar skepties was oor die braaiery, was die kos heerlik.

Sondagoggend was dit weer heerlike sonskyn, maar moes ons weer vertrek. Ons sal beslis weer die gebied moet besoek om die ander stappe waarop Dave ons nog wou neem, te gaan doen. Dit is voorwaar 'n pragtige, ongerepte gebied wat beslis weer besoek moet word.

- Erna Kritzinger

POSTBERG 8 – 9 SEPTEMBER 2012

Ons was 'n groep van 12 wat Saterdagoggend, 8 September 2012, net na 08h00 by the ingangshek van die Weskus Nasionale Park bymekaar gekom het. Gerrit en Erna het die vorige nag by Yzerfontein gekamp en was baie beïndruk met die heerlike kampterrein.

Nadat ons die nodige permitte by die beginpunt verkry en ons die motors geparkeer het, kon die stap begin. Gerrit het gereël dat ons groot rugsakke aangery word, sodat ons net met dagsakke kon stap – wat 'n uitstekende idee! Dit was 'n volmaakte dag en somer van die begin was ons in blommeland: die veld was oortrek met wit, geel, orange en blou kleure – 'n ongelooflike mooi gesig! Die kameras het oortyd gewerk en aanvanklik het die stap stadig gevorder.

Die paadjie is duidelik gemerk en lei teen die eerste koppie uit, vanwaar Langebaan se strandmeer sigbaar word. Plek-plek krap die doringbossies aan ons bene en Freda was duidelik van mening dat die paadjie meer oopgekap behoort te word. Middagete word langs die lagoon geniet – die water is turkoois-blou en herinner my aan die Griekse Eilande.

Die middagskof is nie lank nie en ons is net na 15h00 al by Plankiesbaai, waar 'n horde motors en mense ons inwag! Dis ietwat teleurstellend vir ons, wat juis wil wegkom van die beskawing. Ons het egter lekker op die strand gaan neskop en heerlijk gerus. Ons rugsakke is net na 17h00 afgelaai en toe kon ons kamp opslaan. Die braaivleisvuur is aangepak en Erna het met haar verkyker 'n pragtige Kaapse ooruil teen die rantjie opgemerk. Charlie se foto van die uil kan beslis in aanmerking kom vir die jongste natuurlewe fotokompetisie!



Die ondergaande son is van die rotse af bewonder, waar ons almal om ons “snacks” en drankies gerangskik was. Jasper het uitgewei oor sy onlangse whisky toer in China en was alweer klaar aan die beplan aan die volgende een in Kanada ...

Die kuier en ete om die kampvuur was natuurlik ‘n hoogtepunt. Estelle se tweeling (Linda en Alta) en Hannelize het gesorg vir jonger geselskap en my laat terugverlang na my studentedae – lank, lank gelede!

Die nag om 03h00 word ek wakker met die reënvlae wat teen die tent aanslaan! Alhoewel reën vir die Sondag voorspel is, het ons dit eers teen die middag verwag. Gelukkig het dit effens opgeklaar toe ons die oggend opstaan, maar dit was helaas nie ‘n dag vir blomme kyk nie! Daar het kort-kort ‘n buitjie uitgesak, sodat ons redelik vroeg al by die motors was. Gerrit het met die res van die groep nog eers na die skeepswrak gestap, maar ons en Charlie-hulle het besluit dis nou genoeg. Die wolke het weer dreigend saamgepak en ons was nie lus vir natreën nie.

Erna het later berig dat die reën uitgesak het net nadat hulle by die motors gekom het!

Postberg se stap sal altyd ‘n besondere bekoring hê, want met blommetyd is die Weskus op sy mooiste. Baie dankie aan Elsa en Gerrit vir al die reëlins - en daardie yskoue bier by Plankiesbaai!

- Johann Benkenstein



Riet river Canyon 3-7 October

The trek began with Stephen, co-owner of Nuwerus Camp with wife Louise, dropping us off at the top of the Canyon on Wednesday, early afternoon. We worked our way through a geological maze (which included a nice rest break near a huge rock formation appropriately nicknamed "Pegasus") before beginning a rather steep descent towards the Riet River, where we made our first camp in the sand. Days 2 and 3 featured multiple crossings of the Riet River, as we constantly tried to find the less difficult and safer terrain upon which to walk. Most of these river crossings featured water no higher than thigh level. Several members of our party decided it best to make these river crossings only partially clothed, which has forever changed my previous held perception of Afrikaner modesty! At the end of Day 3 the Riet River merged into the Groot River, a much higher volume and faster river. Rather than cross this river with tired feet and weary bodies, we pitched camp and decided to deal with the crossing of the Groot River in the morning. Gerrit Kritzinger and Charlie Buckle did some serious reconnaissance work early on Saturday morning (Day 4), trying to develop the best strategy for crossing multiple branches of the Groot River. When it was finally time to cross, we three men started the crossing in the agreed-upon section of the river, only to be turned back by a treacherous, small (less than 2 meters wide) high speed channel in the middle of the river. The entire party marched about 50 meters up river to attempt Plan B, a safer crossing, however, with a huge and very dense 15 meter high thicket awaiting us on the other side of the river. Charlie led the way, as he and I tried to forge a path through the thicket. We ended up crossing at least four branches of the Groot River in quick succession. Fortunately, we were able to find a couple of areas where cattle had bulled their way through the thicket, making the going easier for us all!

The weather was tremendous and the scenery breathtakingly gorgeous throughout the trek. Nice places to swim were encountered from time to time. The camaraderie among the participants was outstanding! Stephen and Louise were

fantastic hosts and did everything they could to make us feel at home at Nuwerus Camp. This camp featured an open air pub with a large screen TV and plenty of cold beer to better enjoy the Springboks vs. All Blacks rugby match! This was most certainly one of the most enjoyable walks I've enjoyed in South Africa! A special "shout out" to Charlie for his superb leadership! I hope that I will have other opportunities to hike with Charlie, Freda, Anneli, Elza, Erna and Gerrit! A great time was had by all!

-Jim Head (Cape Town Section)



STELLENBOSCHBERG 13 OKTOBER 2012

Wat 'n ongelooflike visuele, fisieke en geestelike ervaring was dit nie?

Ons groep van 9 het bestaan uit die toerleier, my broer Johann en Erica, my jongste broer Raymond en sy vriendin Barbara, Johan en Elmien Botha, Japie van Niekerk en die oudste van almal, die superfiks 80 jarige Frans Viljoen!

Ons ontmoet mekaar by die brug oor die Eersterivier by Assegaaibosch Reservaat, waar ons die permitte moet koop vir toegang. Dis 'n lieflike sonskyn lentedag met die mooiste natuurskoon in die Jonkershoek vallei! Eers gou die historiese opstal, die Neethlinghuis, besigtig – tans 'n gastehuis – voor ons die berg in alle erns begin bestyg het! Sjoë, maar die voetpaadjie op was baie verwaarloos en toegegroei – duidelik in onbruik. Dit het die klim op en af erg belemmer – soveel so dat 'n hele paar van ons (ook die uwe) hard met moeder aarde kennis gemaak het (gelukkig niks gebreek nie)!

Ek moes op een stadium vir Erica resussiteer, toe sy na so 'n val 'n skokreaksie ervaar het ("ek sien net wit voor my").

Uiteindelik, na so vier ure, het ons die kruin van Stellenboschberg bereik op 'n hoogte van 1 167 meter! Ons is beloon met die mooiste uitsigte oor die Jonkershoekvallei, asook oor Valsbaai tot by Kaappunt!

Na 'n welverdiende rus en 'n heerlike ligte "lunch" moes ons die aftog aanpak en bereik ons die beginpunt so teen 16h00, waar ons almal eers voete en gesig afspoel in die heerlike koue bergstroom.

Die dag word afgesluit met 'n lekker yskoue bier by die Jonkershoek restaurant by die hek, waar ons heerlik lag en kuier en ons pyne met mekaar deel voor ons uitmekaarspat – doodmoeg, maar baie dankbaar vir die voorreg om te kon deel in die wonderlike bergklim uitstappie.

Johann, weer eens dankie vir al die reëlings – ons maak vorentoe weer so!

-Theo Benkenstein

KAAIMANSGAT 26 – 28 OKTOBER 2012

Dis net na 16h00 Vrydagmiddag toe Estelle Zietsman ons in haar Prado kom oplaai vir die naweek by Kaaimansgat. Frans Viljoen ry ook saam. Min het ons geweet wat daardie middag nog vir ons voorlê...

Ons volg die roete deur die skilderagtige Franschhoek vallei, oor die pas en verby die Theewaterskloofdam na Villiersdorp. Omtrent 2km anderkant Villiersdorp neem ons die afdraai na Kroonland / Kaaimansgat en ry ons oor 'n steil bergpas, voordat die pragtige Kroonland vallei voor ons ontvou. Dis effens mistig, koud en dit lyk asof dit enige oomblik kan begin reën. Die pad kronkel verby peer- en appelboorde en wingerde, voordat ons by die plaas van Johan en Sonel Roux aankom waar ons vir die naweek-uitstappie aanmeld. Nou ja, dis hier waar ons die teerpad verlaat en ons, min wetende, die 4X4 roete na die kamp aanpak. Die pad is deur Sonel as die

“makliker pad” na die kampplek aangedui. Van die staanspoor was die grondpad maar bedenklik (ons moes die padtekens van 1 – 17 volg). Dis egter by no 5 waar die moeilikheid begin het. Dit het nou liggies gestuifreën en die pad was glad. Die afdraai by no 5 was steil, met ‘n reuse sloot in die middel, wat veroorsaak het dat ons eers almal uitgeklim het om te besluit watter kant van die sloot die Prado moes volg. Intussen het Estelle al stiller geword – dit was haar eerste poging op ‘n 4X4 roete! Haar man, Rudolph, was altyd aan die stuur, maar het in Desember tragies verdrink in ‘n duikongeluk. Estelle se eerste poging was dan ook nie suksesvol nie en die bande het teen die steil helling gegly. Die tweede keer, met die ratte na 4X4 verwissel, was egter foutloos. Daarna was daar nog ‘n paar plekke waar ons eers moes uitklim en ondersoek, voordat ons net na 18h00 by die kamp aangekom het - wat ‘n riller van ‘n pad!! Gerrit en Erna was reeds besig om tent op te slaan en Charlie en Freda het ook ‘n rukkie later arriveer - net betyds voor donker! Charlie het glo party bulte agteruit benader, aangesien sy X-Trail nie 4X4 gerat was nie!

Die aand het ons heerlik in die ruim onderdak lapa gebraai. Estelle was nog op ‘n “high” na die suksesvolle 4X4 roete en het ‘n heerlike mieliebrood gebak. Terence en Elanie het eers omtrent 21h00 aangekom en het Erna al erg bekommerd gehad.

Na ‘n lekker nagrus in ons splinternuwe tent (die dak daarvan het vir Erica soos ‘n katedraal teen die oue gevoel), het ons almal na ontbyt vir ‘n dagstap op die “jeep track” vertrek. Dit was ‘n pragtige helder dag, met die sprokiesmooi vallei in die laagte. Die veld was oortrek met allerhande proteasoorte, memetis en ander helder blomme.

Op ‘n stadium is ons teen ‘n steil brandpad uit na die kruin van ‘n koppie, waar ons middagete gehad het - met ‘n pragtige uitsig na Shakleton-Valley en Perdekop se kant. Op pad terug is ons by die dam verby, waar Gerrit pragtige voëls in die proteas gewaar het. Dit sou hom die volgende dag weer daarna laat terugkeer, om dit vir Hannelize te wys, wat die dag besluit het om by die kamp te bly.



Terug by die kamp het daar intussen ‘n groot groep van 19 opgedaag, wat hulle reeds in die lapa tuisgemaak het. Die aand het ons almal saamgebraai en het Estelle weer ‘n heerlike brood gebak. Die aand het ek aan die slaap geraak met die ou bekende “Sounds of Silence” onder kitaarbegeleiding van die ander groep.



Sondag was weer eens ‘n perfekte mooi dag. Na die vorige dag se lang stap het die meeste besluit om net in die kamp rustig te verkeer. Ek, Charlie en Erica het egter besluit om die kloof bergop te gaan verken. En was dit nou ‘n aangename verrassing! Die paadjie kronkel al langs die kabbelende stroom op, binne ‘n inheemse woud met oeroue bome, o.a. die Cape Holly, rooiels, ens. Later kruip ons deur ‘n tunnel van reuse boomvarings, met druppende watervalle oral in die kloof. Die paadjie word algaande al steiler en die laaste end tot in die nekkie klouter ons letterlik hande viervoet teen die grashelling op. Die uitsig van bo is weer eens ‘n groot beloning. Die kamp vertoon klein daar onder in die vallei! Die pad terug gaan heelwat vinniger en ons is etenstyd weer terug in die kamp, waar Freda vir Charlie ‘n heerlike middagete voorsit.

Nouja, soos die spreekwoord sê, “alle goeie dinge kom tot ‘n einde”. Na ‘n yskoue Savannah en middagete, was dit tyd vir oppak. Die terugrit op die bergpad was nou effens makliker, want die pad was droog en die moeilike plekke was in die helder daglig nie meer so verraderlik nie. Estelle was egter baie verlig toe ons die teerpad bereik. Sy het vol bravade verklaar: “nou maak ons die Bergklub ‘n 4X4 Klub”!

Baie dankie nogmaals aan Erna vir al die reëlins en aan Charlie vir die wonderlike kloofstap - dit was beslis die hoogtepunt van die naweek! En aan die 80-jarige Frans Viljoen, wat blykbaar nou die Kaap permanent vir Pretoria gaan verruil, wil ons net die allerbeste toewens. Vir ons klub sal hy altyd ‘n rolmodel bly, om op hierdie ouderdom nog te kan stap – dit dwing ons bewondering af.



- Johann Benkenstein

Komende stappe:

Shackeltonvalley 17-18 Nov

Ons ry Saterdag so 08:00 van die Kaap af, parkeer motors by Du Toits kloof hut. Dan stap ons so 8km op die grondpad (na Agtertafelberghut), maar ons draai oos voor die hut in die rigting van Holsloot (Stettynskloof). Van hier mag dit dalk woes bosserig wees (trek lang broeke aan).

Ons hoop om die aand by die wrak van die Schakleton (vliegtuig) te slaap. Ek wil kyk of dit daar spook. Sondag stap ons rustig terug. Die “bundu bash” deel kan dalk moeiliker wees. Matige fiksheid nodig. Neem tente en Tabbard (teen spoke)

Bespreek voor 12 Nov (ek moet CapeNature laat weet; hoop dis gratis!)

Beste e-pos altus: altus.dewet@capetown.gov.za

Jan Dissels rivier - Sederberge

Dag 1: Stap vanaf Algeria oor Middelberg tot in Jan-Disselsrivier.

Dag 2: Verkenningstog op in Jan-Dissels, teen die kloof uit na Chrystal Pools area

Dag 3: Stap vanaf Chrystal Pools area met die pad langs terug Algeria toe.

Permit fooi is R240 per kop. Mense wat saam in n motor ry, sal petrolgeld deel.

Thomas hut en Meiringsplato 30 Des – 1 Jan (let op datums verander)

Ons sal Sondag 30 Des so 08:00 van Kaap ry, parkeer op Fairy Glen Wildsplas (jy sien gratis wild!)

Klim dan die 1000m op na Thomas hut (so 6km, maar steil; ons gaan sweet). Daar is glo 52 haarnaaldbuige in die voetpad.. Rus die middag en aand by die hut. “Sundowners” by die “einde van die aarde” (jy sal sien)

Maandag 31.12 : stap na Fonteintjiesberg en besoek Meiringsplato. Pragtige uitsigte. Besoek die gedenkplaat vir Johannes Meiring. “Stroll” rustig terug. Hou die aand Oujaarfees in die hut; niemand mag slaap voor 24h01 nie!

Sondag 1.1: Word wakker met die goue son in jou oë.... Hang rustig by die hut rond en stap so 15h00 af motors toe. Sal so 18h00 by motors wees en 19h00 is jy in jou wit bad!

Bring: genoeg drank en kos. Waterbottels, hoede, Hut het matrasse. Braaivlies, hout / kole.

Bespreek asb voor Dinsdag 22 Des. Stuur jou motor se registrasie nr vir Wildsplas

Beste e-pos altus: altus.dewet@capetown.gov.za

Langtang Himalaya trek - April 2013

Come with on an exotic trek in the exquisite Himalaya mountains of Nepal. This trek is a good introduction to the splendour of the “Abode of Snow” - the meaning of the word “Himalaya” in Nepali.

Langtang- Helambu-Gosainkund district is a very quiet non-touristic part of Nepal. The trek is not too demanding. We do however cross the exposed remote Ganja La pass (5106m) and overnight there in tents – this might just be the highlight of the trek. This trek will be as much about the local Nepali mountain culture as the awesome mountains. We overnight in teahouses and porters carry our gear. We carry only daypacks. Seeing that the trek happens in spring, the weather should be warm in the day with occasional snow. Nights outside the teahouses will obviously be below freezing.

We will be away from South Africa for three weeks from 29 March 2013 till 21 April 2013. The actual trekking will be for about 16 days. One of the most experienced Himalaya trekkers who write travel articles and comments for Lonely Planet, describe this area as his favourite trekking destination in the whole of Nepal. Contact Corlius at corliusj@gmail.com or 0766805312.

